

Канон преподобному Иосифу Волоцкому

Память празднуем 9 (22) сентября

Канон

Глас 2-й

Тропарь, глас 5-й

Яко по́стников удобрéние и отцéв красоту́, мило́сти подáтеля, рассу́ждения свети́льника, вси вéрнии соше́дшеся восхва́лим, кро́тости учите́ля, и ересéй посрамíteля, премúдраго Ио́сифа, росси́йскую звезду́, моля́щася Го́споду, поми́ловатися душа́м на́шим.

Песнь 1

Ирмос: Во глубинé постла́ иногда́ фараонитское всево́инство преору́женная си́ла, вопло́щенное же Сло́во всезло́бный грех потреби́ло есть, препросла́вленный Го́сподь сла́вно бо просла́вился.

Припев: Преподо́бне о́тче наш Ио́сифе, моли́ Бо́га о нас.

Тебе́ твоего́, блаже́нне, учéния долг принося́ще, воздая́ния протира́ем, вене́ц похва́льный плету́ще: ты же любóвию увязéн, пребога́те, твои́ми святы́ми моли́твами, благода́ть нам пода́ждь духо́вную.

Преподо́бне о́тче наш Ио́сифе, моли́ Бо́га о нас.

Всегуби́тельное стремлéние страстéй, о́тче, увяди́л еси́, словéсным объят Богомúдрием, благопрéбытен был еси́, и благогласен, кро́ток же и смире́н, слóвом же премúдрости, преподо́бне о́тче Ио́сифе, и рáзумом венча́н.

Преподо́бне о́тче наш Ио́сифе, моли́ Бо́га о нас.

Священно украси́л еси́ себе́, преподо́бне о́тче, дéтельным рáзумом благода́ти, Богоглаго́ливе Ио́сифе, желáя венца́ сла́вы Христо́вы, и своея́ наде́жды изрядно, блаже́нне, не погреши́л еси́.

Слава: Целомúдрие удержáл еси́ я́ве, крайнюю́ же кро́тость, и высокогласное смире́ние: и́миже возвыша́емь, трудо́в твои́х дéйством и видéнием раду́яся принесéся, вене́ц неувяда́емый приим

трудо́в твои́х воздая́ния.

И ныне: Тва́рей яви́лася еси́, Чи́стая, всех ви́димых и неви́димых превы́шши Всенепоро́чная, Зижди́теля бо роди́ла еси́, я́коже изво́ли воплоти́тися во утробе Твое́й. Егóже со дерзнове́нием моли́ спасти́ пою́щия Тя.

Песнь 3

Ирмос: Процвела́ есть пусты́ня, я́ко крин, Го́споди, язы́ческая неплодя́щая Це́рковь Прише́ствием Твои́м, в не́йже утверди́ся моё се́рдце.

Преподо́бне о́тче наш Ио́сифе, моли́ Бо́га о нас.

Даждь, Христе́ Спа́се, прощ́ение мно́гих на́ших согреш́ений, я́ко да и мы почита́ем па́мьять Твоего́ уго́дника преподо́бнаго Ио́сифа, егó же моли́твами спаси́ ны.

Преподо́бне о́тче наш Ио́сифе, моли́ Бо́га о нас.

Твои́ми моли́твами Ми́лостиваго умоля́й Бо́га, преподо́бне о́тче наш Ио́сифе, и грехо́вный мрак печа́ли на́шея разори́, и благоду́шия утеш́ение низпосли́.

Слава: От младе́нства ты, блаже́нне Ио́сифе, позна́н был еси́ Бо́гом, и на Того́ наде́ялся еси́, наставля́ешь на спаси́тельная Егó повел́ения. Емуже́ ны́не предсто́я, со дерзнове́нием о нас моли́ся.

И ныне: Еди́наго Святы́я Трои́цы, Сло́ва Сы́на роди́ла еси́, Де́во Пречи́стая. Егóже с преподо́бным Ио́сифом о рабе́х Твои́х моли́, ве́рою прося́щих грехо́в прощ́ения.

Го́споди, поми́луй (*трижды*).

Седален, глас 3-й

Христо́ва уго́дника, Ева́нгельскаго уч́ения послу́шника, све́тло пра́зднуем преподо́бнаго Ио́сифа па́мьять, прииди́те ублажи́м страннопри́ймца су́ща, сирóтам и вдо́вам заступ́ника те́пла, и ни́щим да́теля нескúдна, целомúдриа храни́теля, и добродéтелей де́лателя, и ересéй обли́чителя непосты́дна, и свети́льника ру́сскаго, егóже ра́ди прося́ще от Христа́ душáм на́шим спас́ения, и ми́ру ве́лия ми́лости.

Слава, и ныне: Земноро́днии Тобо́ю спас́ени бы́хом, Пречи́стая

Богородице, прежде век бо из Отца рождагося Сына Божия породила еси, за милосердие многое благоволившаго из Тебе родитися: Иже спасе Адама праотца, и рай сотвори жителя. Егоже моли, Мати Преблагословенная, спасися нам, верно поющим Тя.

Песнь 4

Ирмос: Пришел еси от Девы, не ходатай ни Ангел, но Сам, Господи, воплощся, и спасл еси всего мя, человека. Тем зову Ти: слава силе Твоей, Господи.

Преподобне отче наш Иосифе, моли Бога о нас.

Ты, преподобне Иосифе, монашествующих был еси венец, не камением многоценным украшен, но добродетельми обложен, и явился еси, блаженне, благодарованное воистинну украшение.

Преподобне отче наш Иосифе, моли Бога о нас.

Божественную, Богомудре, почтил еси Мудрость, яже ты даровании благими обогати, славу вечную тебе исходатайствовавши, преподобне отче Иосифе, всечестне.

Слава: Светлостью нравов твоих, и образы благодати, преподобне отче Иосифе, подобне пожил еси: темже благоприступен ты всем был еси, всеблаженне досточудне.

И ныне: Умерщвление плодом мне Ева принесе, Ты же, Жизнь рождши Ипостасную, Пречистая, абие исправила еси. Темже зовем Ти: слава силе Твоей.

Песнь 5

Ирмос: Ходатай Богу и человеком был еси, Христе Боже, Тобою бо, Владыко, к Светоначальнику, Отцу Твоему, от ночи неведения приведение имамы.

Преподобне отче наш Иосифе, моли Бога о нас.

Умом чистым Писанием Божественным беседовал еси, богоглаголиве Иосифе, и видения и деяния собрав богатство, отче преподобне.

Преподобне отче наш Иосифе, моли Бога о нас.

Премудрости глубину испытав, мудре Иосифе, достигл еси обрести, елико благопотребно, и бисер многоценный болезнями

стяжа́л еси́, преблаже́нне, разума.

Слава: Аще земно́е оте́чество, блаже́нне Ио́сифе, оста́вил еси́, вся́чески благоимени́тну Бо́жия Ма́тери оби́тель созда́л еси́, и мно́жество мона́шествующих в ней собра́л еси́. Сего́ ра́ди пе́рвое Оте́чество Небе́сное прия́л еси́. Со дерзнове́нием, о́тче, за ны моли́ся Христу́ Бо́гу, рабы́ твоя́.

И ныне: Се во чре́ве, Богоро́дице Пречи́стая, Христа́ Бо́га па́че сло́ва име́ла еси́, я́коже Иса́иа провозгласи́: вы́ше естества́, Сего́, Богороди́тельнице, родила́ еси́.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Преподо́бне о́тче наш Ио́сифе, моли́ Бо́га о нас.

Вселенней свети́ло пресве́тлое, о́тче, яви́лся еси́, Ио́сифе, словесы́ духо́вными просвещая́ ве́рою и любо́вию к тебе́ притека́ющия.

Преподо́бне о́тче наш Ио́сифе, моли́ Бо́га о нас.

Блаже́нное жити́е, о́тче, прешёл еси́, назда́в у́бо чу́ства, вне был еси́ мирска́го мятежа́ и Бо́гу прибли́жился еси́, преподо́бне Ио́сифе.

Слава: Зело́ ми́лостива и страннопри́ймца показа́ тя Спас на́ш ми́ру, о́тче, и врача́ боля́щим, Ио́сифе, сирота́м и убо́гим засту́пника любезна́.

И ныне: Па́че естества́ Де́во, родила́ еси́, и вэ́чнуеши Де́ва, я́вльшися и́стиннаго Сы́на и Бо́га Твоего́, Ма́ти Чи́стая.

Го́споди, поми́луй (трижды). Сла́ва, и ны́не:

Кондак, глас 8-й

Жити́я трево́лнения, и мяте́ж мирски́й, и стра́стная взыгра́ния в ничто́же вмени́в, пусты́нный гражда́нин показа́лся еси́, мно́гих быв наста́вник, Ио́сифе преподо́бне: мона́хов собра́тель и моле́бник ве́рен, чистоты́ рачи́тель, моли́ Христа́ Бо́га спасти́ся душа́м на́шим.

Икос

Божественными добродетельми твоими себе, мудре, украсил еси и Спаса Христа жилище соделал еси, отче, мужественне. Якоже злато искусився верою к Богу и надеждою, и любовью обеты полагая. Воздержанием постився, яко безплотен, в целомудрии, и в смирении возвысился еси. Темже и мы молитвами твоими просвещешся, преподобне Иосифе, вопиём ти: радуйся, яко измлада Богу послужил еси; радуйся, яко притекающих к тебе ко спасению ходатай был еси; радуйся, христоролюбивому воинству похвала; радуйся, яко твоими молитвами противнии побеждаются; радуйся, яко всем просящим даёши дар, от Господа дарованный тебе; радуйся, яко чудесы твоя Бог прославляет, и всех звати тебе научает; радуйся, преподобне отче Иосифе, постников удобрение. Моли Христа Бога спастися душам нашим.

Песнь 7

Ирмос: Богопротивное веление беззаконнующаго мучителя высок пламень вознесло есть. Христос же простре Богочестивым отроком росу духовную, Сый благословен и препрославлен.

Преподобне отче наш Иосифе, моли Бога о нас.

Благоухают, преподобне Иосифе, твоих учений сладкая словеса любящим тая, устрашают же еретиков мудрования. Благодатию бо Святаго Духа глагола еси, Божество Единое проповедуя в Трёх Лицах: Слова же Воплощение поя, благоухаеши нас, пребогате.

Преподобне отче наш Иосифе, моли Бога о нас.

Риз худость имел еси преподобне Иосифе, в зиме же и лете не переменяя, болезненно претерпевал еси Бога ради совершенно; темже и Небеснаго приятя сподобился еси наследник быти.

Слава: Слово твоё солию растворено, отче, и житие твоё благодатию, преблаженне, сия явися пречудне. Темже и в Вышния Обители радуясь вселился еси, Христу со дерзновением ныне предстоиши о нас моляся.

И ныне: Управляющи, Пречистая, наше житие, к Твоему всеихому пристанищу направи: Бога бо родила еси благих Источника, всем подающи верным нетления благодати.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющая: благословите, вся дела Господня, Господа.

Преподобне отче наш Иосифе, моли Бога о нас.

Венец благолепен, Христос Жизнодавец на верх твой положи, тезоименне Иосифе. Деяньми бо просиял еси и видениям, зовый: благословите, вся дела Господня, Господа.

Преподобне отче наш Иосифе, моли Бога о нас.

Вся прешед чувственная, преблаженне, Уму Первому приблизился еси, души твоей чистотою, жития же светлостью, венченосче Иосифе, зовый: благословите, вся дела Господня, Господа.

Слава: В души твоей Божественное богатство Духа Святаго собрав, непорочную молитву и чистоту красноречивую, бдение и воздержание; сего ради жилище Святыя Троицы явился еси, преподобне Иосифе.

И ныне: Владычице Пречистая, грешников спасение, прими мольбу сию, и избави мя от грехов моих, Твоему Сыну прибегающего, молитвами угодника Твоего, преподобнаго Иосифа.

Песнь 9

Ирмос: Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная. Тем Всепетую Богородицу величаем.

Преподобне отче наш Иосифе, моли Бога о нас.

Пречестный отче Иосифе, ныне чисто услаждаешься пищею паче умною, идеже собори святых окрест Господа ликуют, блаженне, иже ныне чтущия тя, ходатайствуя к себе привлецы.

Преподобне отче наш Иосифе, моли Бога о нас.

Прешел еси радуясь к желанию рая, ко единому истинно яже блаженству, к пребольшей доброте, и к жизни истинно нестаряющейся, и к Свету Невечернему, Богоносе отче Иосифе.

Слава: Якоже солнце просиял еси в монашеских соборах, от

млады́х бо ногтѣй освященъ былъ еси́, якоже зарю́ испущая добродѣтели своего́ житія, преподобне Йо́сифе, Богоно́се о́тче пребогáте.

И ныне: Разумѣвше изда́лече, прозорли́выми очесы́, проро́цы Тя я́ве провозвести́ша, хотя́щую Ма́терь быти Вседѣтеля и Влады́ки всех. Тем Тя, Всепѣтая, Богоро́дицу испове́дуем.